

歷代畫家詩文集

勾曲外史貞居先生詩集(一)

中華書局影印

新學
社
PDG

句曲外史貞居先生詩集
(一)



歷代畫家詩文集

國立中央圖書館藏本

句曲外史貞居

先生詩集

舊鈔本
景印本精裝二冊

撰者：元·張

出版者：臺灣學生書局

代表人：馮愛羣

發行者：臺灣學生書局

臺北市和平東路一段一五〇號
郵政劃撥帳戶二一四六六號
電話：二〇九七・三七三四六七

定價新台幣四〇〇元

中華民國六十年八月景印初版
本公司經內政部核准登記證為內版臺業字〇八四號

6017

版權所有・翻印必究

新學社
PDG

句曲外史集序



陶弘景在齊梁時掛冠居句曲山自號華陽隱居
性雅淡愛山水每經澗谷必吟詠盤桓尤喜著書
賦詩旁通陰陽醫藥之術朝廷屢徵不起世以高
尚稱之後七百餘年當元盛時貞居以儒者抽簪
入道自錢塘來句曲負逸才英氣以詩著名格調
清麗句語新奇可謂詩家之傑出者也當是時以
詩文名世者若趙松雪虞道園范德機楊仲弘諸
君子以英瑋之姿凌跨一代諧鳴於館閣之上而

流風餘韻播諸丘壑之間貞居以豪邁之氣超然
自得獨鳴於丘壑之間而清聲雅調聞諸館閣之
上諸君子亦嘗與其唱酬往還雖出處不同而同
為詞章之宗匠譬如軒輊詎知其孰先而孰後耶
矧貞居博學多聞襟懷蕭洒故大夫士多景慕而
樂道之也夫隱居貞居時世先後好尚問學似未
可以同日語然隱居之清風高節貞居之雅度逸
才亦可謂前春而後應豈非句曲山清爽之氣鍾
秀於二子歟以吾夫子中庸之道修己治人之學

金聲玉振之文昭著於天地使其學道而望洙泗
之科猶未易量也至若奔競功名蹀躞聲利醉生
夢死不自覺者則二子之風度將追嚴子陵陸修
靜之武歟易曰不事王侯高尚其事二子其事二
子其庶幾乎貞居張姓兩名伯雨字貞居其自號
句曲外史世人稱之也吳郡徐達左序

貞居先生集目錄

第一卷

五言古詩

第二卷


五言古詩

第三卷

七言古詩

歌行

第四卷



五言律詩

五言長律

五言絕句

第五卷

七言律詩

七言長律

第六卷

七言絕句

第七卷

雜言辭

四言

六言

五言三韻

聯句

銘

贊

詩餘

餘

句曲外史貞居先生詩集卷第一



五言古詩

玄洲精舍

吾愛紫桑言所居何必廣况此金鄉室寸地皆福
壤岩栖晚更幽微雪帶林莽風生獨獸號山空衆
泉響有聞唯寂音無講即純想昔賢非樂此澹泊
欲誰賞

獨游天信菴

獨行寒澗底蕭條濕霜露驚窘突人來躍入青蘿

去落木深已腐亂石割芒屨我見康莊衢隘於林
下路

建蘭一枝浸菖蒲盆洗中宜若從類

美人折芳馨意重蒼玉珎把玩何以滋罌罍非所
棄席間樹菖蒲泓然一螺雪倚蘭與之俱光景相
洞徹迺若離羣居濯足以自潔又如服食士俛首
尋九節振以冷風清食以寒泉冽秋菰雖云冷寧
洗肝肺熱養目良區區出門芳草歇

四月旦舟抵錢源不數武出長塘湖水涸

不能進是夕大雨明旦絕湖入白石瀆四十里即薛步

閣舟菰蘆渚夜雨來如期水生天未白拔施入渺
渺穀裙初頽面螺黛新刷眉盛我大珠中獨與蛟
人嬉使昔衝暝適幾用失此奇意行每如此動靜
寧容私

僧號月潮自金陵來乞詩

陰精儲玄水中黃溢金樞高深感盈縮在理信方
諸氣機應辰至崩然衆壑虛十芒躍風輪不墜亦
9

不濡鰲波激瀕洞華耀寂以舒靈潤閱終古流明
施八區彼美西方人頤仰誠有餘

獨酌

靜極忽不愜掩書曝前軒榮木樊四維時禽托孤
園羣物方趨功吾稟恒晏然本乏超世才偶脫區
中緣妙理寄濁醪嘉名愛靈仙山從吾所好耳富貴
須何年毛有

己巳歲饑乞米

故人念我飢貧粟仍借車歸來荒山道不敢嗟馳

驅升斗乞東家西鄰餅甌虛前車得傾筐後車已
無餘餓殍滿中野搯擊將何如

玉簫

山間采三秀尚之以瓊英明麗慚水芝豐腴謝山
精濯以玉色醪筆以玉糝羨即此夜光草服食當
眼明韓子自倔强但取木雞烹

讀五代書

五閏持旦暮各有忠義死寧表雲叟輩實誅長樂
子獨行非激矯僅足以遠耻明：避俗心堂：報

知己

寄虞侍講有序

伏讀遠祖李鷹雜詩有云榮與壯俱去賤
與老相尋壯固去矣而榮非所慕賤且老
非山林之真也聊韻五言五章寄上

拏舟昔行遽阻奉閭門宴一由山世濶幾玩霜暑
變遙應金閨夢夜對青城面嗟余往不返曷以逭
狂狷異哉於陵仲處此台鼎賤

架岩棟且撓何以守風雨靈人未降室形景相賔

主順傾乳豹啼仰聆高松語冥寂乃尚志悅悟詎
求侶咄哉道非窮丘壑天所與

僊人如華月照耀金銀鵑屢前談經席頻寫徵賢
草味道以為糧掄才以為寶漢廷二司馬較之彼
為少未信平津侯咲視韓公老

異時皇華使一返仁壽鄉再拜丞相孫父老涕泗
滂飭履有遺跡宰木相與蒼感激弛張道厥嗣久
弥昌高厚論功德山川其可忘我識丁令威不如

劉子相

知北皆天游圖南猶陸沉豈無萬里風舉我埃壒
襟鍛翮非所任勗焉息中林長吟顧沈寥譬彼九
皋音寄謝天祿閣藜杖或能尋

種栢

手遷稚柏栽荷鍾趨晴暄出彼榛穢區離立向南
墩入夜霏雨集霑洒徧竹園竹欣栢亦悅況此薺
麥根病夫濯足已政要雪塞門展茵蘆絮重漉酒
松肪渾縣知天下寒尚愧一榻溫自無種樹書何
以遺子孫